

30. júní 1986

597

Nr. 315

REGLUGERÐ

um breytingu á reglugerð um samvinnu og starfsskiptingu milli
lögreglustjóra og rannsóknarlögreglu ríkisins, nr. 253 29. júní 1977.

1. gr.

2. gr. breytist þannig:

a. Við 3. málsg. bætist nýr töluliður, svohljóðandi:

9. a. Brot á lögum og reglum um ávana- og fíkniefni og á 173. gr. a almennra hegningarlaga.

b. Á eftir 3. málsg. bætist ný málsgrein, svohljóðandi:

Deildir þessar skulu og veita aðstoð við sjópróf sem haldin eru samkvæmt siglingalögum. Tilkynna skal rannsóknarlögreglu ríkisins um aðstoðarbeiðni, ef um er að ræða aðstoð vegna máls er fellur í hlut hennar, og fer þá um mál samkvæmt 4. gr.

2. gr.

Reglugerð þessi sem sett er samkvæmt heimild í 9. gr. laga um rannsóknarlögreglu ríkisins, nr. 108 28. desember 1976, öðlast gildi 1. júlí 1986.

Dóms- og kirkjumálaráðuneytið, 30. júní 1986.

Jón Helgason.

Ólafur W. Stefánsson.

30. júní 1986

Nr. 316

REGLUGERÐ

um ráðstöfun á sérstöku fódurgjaldi, sem innheimt er skv. reglugerð nr. 259/1985
skv. lögum nr. 46 27. júní 1985, um framleiðslu, verðlagningu og sölu
á búvörum, vegna afurða svína og alifugla.

1. gr.

Endurgreiða skal framleiðendum á afurðum svína og alifulga hluta sérstaks fódurgjalds, sem álagt er við tollafgreiðslu á innflutt fódur, sbr. reglugerð nr. 259 frá 1. júlí 1985. Endurgreiðslan skal vera 75% hlutar af álögðu sérstöku fódurgjaldi, sbr. 6. gr. Af hinu álagða sérstaka fódurgjaldi renna sem næst 5% hlutar til Framleiðnisjóðs landbúnaðarins að frádregnum kostnaði Framleiðsluráðs landbúnaðarins við framkvæmd endurgreiðslanna, sem landbúnaðarráðherra samþykkir.

2. gr.

Endurgreiðsla hins sérstaka fódurgjalds skv. reglugerð þessari skal eingöngu vera vegna framleiðslu á afurðum alifugla og svína frá og með 1. júlí 1985.

B 56

3. gr.

Endurgreiðsla á sérstöku fóðurgjaldi fer fram af endurgreiðslureikningi til framleiðenda sbr. 5. gr., annaðhvort með milligöngu fóðursala eða beint af endurgreiðslureikningnum. Sami aðili getur ekki látið fóðursala annast um hluta endurgreiðslunnar og annast hinn hlutann sjálfur, heldur verður hann að velja aðra hvora leiðina.

4. gr.

Framleiðsluráð landbúnaðarins skal annast endurgreiðslu til framleiðenda í samræmi við ákvæði þessarar reglugerðar. Hinu sérstaka gjaldi skal haldið á sérgreindum reikningi, er framleiðsluráð færir — endurgreiðslureikningi — sem Ríkisendurskoðun annast endurskoðun á. Ríkisféhirðir gerir skil mánaðarlega til framleiðsluráðs, til færslu á endurgreiðslureikning, á hinu sérstaka fóðurgjaldi samkv. reglugerð nr. 259/1985, hvort sem er í formi sjálfskuldarábyrgðar eða peninga. Framleiðsluráð gerir á sama hátt skil mánaðarlega til framleiðnisjóðs á þeim hluta hins sérstaka fóðurgjalds, er greiða ber í sjóðinn, sbr. 1. gr., og gjaldfallið er, sé um sjálfskuldarábyrgð að ræða.

5. gr.

Nú velur framleiðandi, sem á rétt á endurgreiðslu á sérstöku fóðurgjaldi, þá leið að fóðursali annast endurgreiðsluna og gefur hann þá viðkomandi fóðursala (fóðursölum) umboð til þess fyrir sína hönd. Áður en framleiðsluráð staðfestir endurgreiðslur samkvæmt framlögðum gögnum frá fóðursölum, skal umboð fóðursalans til að annast endurgreiðslur fyrir hönd hvers framleiðanda liggja fyrir. Umboðið gildir svo lengi sem það er ekki afturkallað.

6. gr.

Endurgreiðsla hins sérstaka fóðurgjalds skal miðuð við framleiðslumagn og fer fram í tveimur áföngum. Í fyrsta lagi við fóðurkaup, en þá endurgreiðast $\frac{60}{80}$ hlutar hins sérstaka fóðurgjalds eins og það er fullreiknað, þ. e. nú 80% af tollverði. Endurgreiðslan reiknast af hverri fóðurtegund fyrir sig skv. 8. gr. Í öðru lagi á þriggja mánaða fresti samkvæmt framlögðum skýrslum um framleiðslumagn til Framleiðsluráðs landbúnaðarins á s. l. 3ja mánaða tímabili, í fyrsta sinn frá 1. júlí 1985, og er það lokagreiðsla, þannig að endurgreiðslu eftir framleiðslumagni, er nemur $\frac{75}{80}$ hlutum af fullu sérstöku fóðurgjaldi, verði náð, sbr. þó 11. gr.

7. gr.

Fóðursölum er heimilt við sölu á fódri til framleiðslu á afurðum alifugla og svína, að endurgreiða $\frac{60}{80}$ hluta hins sérstaka fóðurgjalds, að fenginni staðfestingu Framleiðsluráðs landbúnaðarins á endurgreiðslurétti hvers einstaks framleiðanda. Framleiðsluráð landbúnaðarins veitir aðilum því aðeins rétt til endurgreiðslu, að þeir hafi lagt fram tilskilin gögn, sbr. 10. gr.

8. gr.

Fóðursalar skulu senda Framleiðsluráði landbúnaðarins mánaðarlega skilagrein um endurgreidd fóðurgjöld og birgðir um hver mánaðamót. Á þeirri skilagrein komi fram nafn, nafnnúmer og heimili fóðurkaupanda, tegund og magn fóðurs og endurgreiðslur hvers framleiðanda. Jafnframt skal fóðursali láta fylgja nákvæman verðútreikning, er sýni verð hverrar fóðurtegundar, brotið niður í alla verðþætti, þar komi m. a. fram hver hluti hins sérstaka fóðurgjalds er í verði fóðursins og hver hinn endurgreiðsluhæfi hluti er í sama fódri, þ. e. $\frac{60}{80}$ hlutar hins sérstaka fóðurgjalds.

9. gr.

Óski framleiðandi eftir endurgreiðslu $\frac{60}{80}$ hluta fóðurgjalds vegna staðgreiðslu á fóðurkaupum, skal hann skila til Framleiðsluráðs landbúnaðarins sömu upplýsingum varðandi hlut fóðurgjalds í verði fóðursins og koma fram í 8. gr.

10. gr.

Til þess að framleiðandi á afurðum alifugla og svína öðlist rétt til endurgreiðslu á fódurgjaldi, er honum skylt að leggja fram staðfestar framleiðsluskýrslur eða vottorð um bústofn, ef framleiðsla er á byrjunarstigi, til Framleiðsluráðs landbúnaðarins.

Á skýrslunum komi fram nafn, nafnnúmer og heimilisfang framleiðandans og magn hverrar afurðar og hverjum seld. Skýrslum þessum ber að skila á eftirfarandi hátt:

A. Mánaðarleg skil komi frá:

1. Framleiðendum á afurðum svína.
2. Framleiðendum eggja, sem hafa 200 varphænur eða fleiri.
3. Framleiðendum á alifuglakjöti.

B. Skil á þriggja mánaða fresti komi frá framleiðendum eggja með 50—200 varphænur.

C. Skil einu sinni á ári komi frá framleiðendum eggja, sem hafa innan við varphænur.

Skilafrestur á skýrslum er þrjár vikur frá lokum hvers tímabils.

Framleiðsluráð landbúnaðarins útbýr skýrsluform og sendir til viðkomandi aðila eftir forðagæsluskýrslum eða vottorðum um bústofn, ef framleiðsla er á byrjunarstigi.

11. gr.

Seinni hluti greiðslu á hinu sérstaka fódurgjaldi, þ. e. sem svarar til $\frac{15}{80}$ hluta á fullu gjaldi sbr. 6. gr., skal reiknaður eftir framleiddum afurðum alifugla og svína, þannig að ekki verði endurgreitt á meira magn kjarnfóðurs til framleiðslu afurða á liðnu þriggja mánaða tímabili en nemur eftirfarandi:

Fyrir hvert kg svínakjöts	5,9 kg fódurs
Fyrir hvert kg eggja	5,3 kg fódurs
Fyrir hvert kg kjúklingakjöts og kalkúnakjöts	4,5 kg fódurs
Fyrir hvert kg kjöts af öðrum alifuglum	4,0 kg fódurs

Framleiðsluráð reiknar á þriggja mánaða fresti, út frá afurðaskýrslum, magn fódurs sem fer til framleiðslu hverrar afurðar á einingu og gerir tillögur til landbúnaðarráðuneytisins um breytingu á endurgreiðslum, ef þurfa þykir.

Engar endurgreiðslur verða fyrir kjöt af varpfuglum.

Egg sem fara til útgununar reiknast þannig, að fyrir hvert kg eggja til framleiðslu holdakjúklinga lagt í útgununarvél reiknist 11,5 kg fódurs og fyrir framleiðslu eggja til eldis varpfugla reiknist 7,5 kg fódurs á kg eggja. Framleiðendum eggja með færri en 50 varphænur skal áætluð endurgreiðsla m. v. 12 kg framleiðslu eggja eftir hverja hænu á ári.

Framleiðsluráði er heimilt að endurgreiða framleiðendum á afurðum alifugla og svína, umfram það sem útreikningur skv. 1. mgr. þessarar gr. leiðir til, í eftirfarandi tilvikum:

1. Sé um nýbýlinga að ræða, sem vegna bústofnsauka kaupa fóður umfram það sem er eðlilegt skv. afurðum á tímabilinu.
2. Vegna áfalla í framleiðslu af völdum sjúkdóms eða óhapps, sem leiðir til þess að notkun fódurs er verulega umfram afurðir.

Framleiðsluráð reiknar endurgreiðslu skv. tölulið 1 og 2 af framlögðum gögnum, sem það telur nauðsynleg.

12. gr.

Við ákvörðun endurgreiðslu á $\frac{15}{80}$ hlutum hins sérstaka fódurgjalds hverju sinni, skal reikna fyrir hverja tegund afurðar, sbr. 11. gr., meðaltal sérstaks fódurgjalds í seldu fóðri skv. skýrslum frá fódursölum, sem borist hafa til Framleiðsluráðs landbúnaðarins, yfir það tímabil sem endurgreiðslan nær til.

Hverjum framleiðanda greiðist fjárhæð, sem er margfeldi af framleiðslumagni hans og áætlaðri fóðurnotkun, sbr. 11. gr., og $\frac{15}{80}$ hlutum hins reiknaða meðaltals af sérstöku fódurgjaldi, sbr. 1. mgr.

Framleiðsluráð landbúnaðarins annast þessa útreikninga og sér um greiðslur til framleiðenda.

Heimilt er að inna af hendi greiðslur til framleiðenda á $\frac{15}{80}$ hlutum hins sérstaka fódurgjalds, með skuldajöfnunarávisun endurgreiðslureiknings, sbr. 2. mgr. Skuldajöfnunarávisun notist til fódurkaupa eða framvísist endurgreiðslureikningi þegar fódurgjaldið gjaldfellur samkvæmt skuldaviðurkenningum fódurinnflytjanda.

13. gr.

Reglugerð þessi er sett með heimild í 30. gr. 1. nr. 46/1985 um framleiðslu, verðlagningu og sölu á búvörum og öðlast gildi 1. júlí 1986 og gildir til 31. desember 1986.

Landbúnaðarráðuneytið, 30. júní 1986.

Jón Helgason.

Guðmundur Sigþórsson.

Nr. 317

25. júní 1986

AUGLÝSING**um útvarpsgjald.**

Útvarpsgjald, sbr. 22. gr. útvarpslaga nr. 68/1985, hefur verið ákveðið kr. 1 525,00, fyrir 3. ársfjórðung 1986.

Menntamálaráðuneytið, 25. júní 1986.

F. h. r.

Árni Gunnarsson.

Pórunn J. Hafstein.

Nr. 318

30. júní 1986

AUGLÝSING**um takmörkun á upprekstri hrossa og sauðfjár á Grímstungu- og Haukagilsheiðar, Víðidalsfjall og Sauðadal í Austur-Húnavatnssýslu.**

Landbúnaðarráðuneytið hefur samkvæmt heimild í 5. mgr. 23. gr. laga nr. 17/1965 um landgræðslu, sbr. 2. gr. laga nr. 42/1982, ákveðið að banna upprekstur hrossa á Grímstungu- og Haukagilsheiðar, Víðidalsfjall, þ. e. sameiginlegan afrétt Ás- og Sveinsstaðahreppa í Austur-Húnavatnssýslu, svo og upprekstur hrossa úr Þverárhreppi í Vestur-Húnavatnssýslu á fyrrnefnda afrétti. Bann þetta gildir frá og með 1. júlí n.k. og til ársloka 1986. Ennfremur skal upprekstur hrossa á Sauðadal takmarkast við 100 hross á tímabilinu 15. júlí til 10. september 1986.

Jafnframt hefur ráðuneytið ákveðið að upprekstur sauðfjár á Grímstunguheiði verði fyrst heimill eftir 10. júlí n.k.

Um brot gegn banni þessu fer eftir ákvæðum 43. gr. laga nr. 17/1965 um landgræðslu, sbr. 40. gr. laga nr. 10/1983.

Landbúnaðarráðuneytið, 30. júní 1986.

Jón Helgason.

Jón Höskuldsson.